

詞

鈔

二

交江。  
新波。

首末。

容齋。

瓶底。

南溪。



名家詞鈔目錄

廬陵 聶先 晉人

長水 曾王孫 道扶

纂



容齋詩餘

朝霞 李天馥 湘北

憶王孫 望江南 四調

浣溪沙 二調 菩薩蠻 二調

烏夜啼 歸自謠

長命女 羅敷媚 二調

鷓鴣天

臨江仙

南歌子

搗練子

小重山

虞美人

少年遊

太常引

行香子

二調

青玉案

天仙子

後庭宴

踏青遊

沁園春

百字令

江神子

賀新郎

梅花引

醉春風

三臺令

長相思

二調

荷葉杯

薄命女

西江月

南鄉子

雙調望江南

如夢令

三調

巫山一段雲

蘇幕遮

一剪梅

望江南

玉

容齋詩餘

朝霞 李天馥 湘北

憶王孫 春望

姤○春○良○夜○愛○春○朝○花○外○紅○樓○捲○絳○綃○極○日○香○塵○舊○板○橋○路○遙○遙○不○見○歸○鞍○見○柳○條○

望江南 春日

淑○氣○暖○陌○上○燕○鶯○狂○謝○豹○多○愁○原○姓○杜○韓○憑○非○夢○亦○為○莊○香○徑○領○春○光○

前調 臨鏡

臨朝鏡。驀地竝香肩。乍見自驚還自失。詳看相妬復相憐。消受奈何天。

前調 晚妝

妝成倦。痴小怯生生。苔砌行來春有跡。雕闌倚遍夜無聲。孤館月偏明。

前調 喜見

奈何許。危坐厭芳樽。紙上空言猶震目。畫中假貌尚消魂。何況見啼痕。

浣溪沙 春游

數里垂楊隱畫橋。遠山波隔碧天高。夕陽漁艇趁紅潮。花外驪駒嘶錦埒。烟中杜宇急江臯。歸程芳草望遙遙。

前調 夏景

慵卸殘妝任養娘。嬌痴不奈試蘭湯。荷花池近玉肌香。幽夢冰消湘簟冷。縷烟風軟水沉涼。良宵無奈數螢光。

菩薩蠻 紀游和龔芝麓尚書

落紅萬片花如雨。子規聲裏啼春去。春去有人愁。鳴

名  
家  
詞  
金  
箏懶下樓。伴羞嬌掩袖。知否情依舊。小立怕催歸。貪看雙燕飛。

前調 閨夜

月明小院梨花閉。金猊香裊流蘇細。假寐夜悠悠。簫聲何處樓。起來還小立。羅襪蒼苔濕。更莫凭闌干。闌干夜最寒。

烏夜啼 採蓮

遠山漸隱斜陽渡。橫塘行到綠楊深處。畫樓香。芙蓉藥畔。紅波亂。濺羅裳。怕摘青青蓮子。有空房。

歸自謠 五日

釵梁鳳搖曳。靈符心自寵。嗔他蜥蜴塗來重。愛纏九子佳名粽。即同夢。怕還說到蘭湯共。

長命女 閨情

幃未啓。百合流蘇春睡美。玉導紅蕤委。聽殘銀虬漫矢。爇盡金猊。沉水怕煖。嗔慵不起。嫌殺持衣婢。

羅敷媚 長亭柳

惱人最是長亭柳。掩映征衣。搖曳輕幃。鎮日無端贈別離。喜人更是長亭柳。葉展愁眉。影掛餘暉。一路

青青送馬蹄。

前調 雨霽

彤雲收拾斜陽去。幾點峯橫。數曲池平。新助騎蛙一部聲。松風庭院涼如洗。遠市鐘輕。隔戶砧清。坐久東樓月自生。

鷓鴣天 春游

閑裏看春到處宜。半晴天氣雨絲絲。江村楊柳迷游騎。山店桃花漾酒旗。餘露歛。亂香隨。夕陽芳草滿天涯。方纔領畧西湖勝。又聽東林叫子規。

臨江仙 春夜

小院梨花春閉悄。畫屏雲母寒侵。好書讀竟夜沉沉。牀頭香漸熄。簾外雨初深。數盡銀虬眠不穩。淚痕漬透紅襟。昨宵幽夢杳難尋。打熬青鳳脰。生受紫鴛衾。

南歌子 古意

玉導流霞服。金蟬却月簪。明珠百琲鬪宜男。却笑村姑衣短襖。餵春蠶。

搗練子 閨情

橫却月罷勺霞。細蕤輕烟護絳紗。窗外畫眉啼不住。  
一簾紅雨墜榴花。

小重山 閨情

樓掩瀟湘紅網閒。芙蓉金屈戍。錦交關。黃星曆躡夕  
陽。山臨晚鏡。無計避孤鸞。絲屨石榴斑。銀泥蝴蝶  
小。玉弓寒香堦。偶立不知還。徘徊久。端爲出來難。

虞美人 看花

看花只看花初放。繞樹春光漾。看花急看盛開時。正  
是東君着意護嬌姿。看花又看花將謝。憔悴香魂

也。隨風趁蝶惹輕烟。妝點一堦紅。雨使人憐。

少年游 秋行

千林落葉馬蹄紅。暮靄捲晴空。平蕪衰草。蒼茫無際。  
山色夕陽中。黃花滿目秋光冷。遠磬咽西風。向晚  
人家。池塘清淺。流水碧溶溶。

太常引 曉發

千林晴雪玉堤寒。曉月路漫漫。行李悵間關。望斷雁  
孤雲舊山。一鞭衰柳。數聲殘笛。良夜漸闌珊。遠翠  
擁征鞍。過不盡烟梢霧鬢。

行香子 閨思

新月娟娟。涼露纖纖。儘孤眠消受年年。苔陰寂寂。花影田田。更風瑟瑟。燈閃閃。漏綿綿。鬼病恹恹。幽夢連連。聽禽音妬殺鶉鶉。清癯楚楚。辜負偏偏。正愁脉脉。魂黯黯。意懸懸。

前調

翠曳烟綾。蓮褪羅滕。儘呼盧嬾較明瓊。舞殘眠褥。歌罷鵝笙。宜風前立。花前笑。月前行。奈可盈盈。消受生生。鎖芙蓉帳冷銀屏。鮎窓欲暝。鳳脰偏青。漸香初

燼。漏初急。酒初醒。

青玉案 警悟

天公一向安排巧。休謾謂無分曉。說短論長徒自擾。饑婁凍憲。天淵壽躔。有意非傾倒。無端歲月催人老。失意常多得意少。說與解人供一笑。此中樂處當前快境。儘有便宜討。

天仙子 傷舊

嬌小未諳天。與錯溫柔常恨。亂窓曙。羞容憨態總堪描。香步步。情故故。三年彷彿如朝暮。桃葉桃根驚

不渡。斷橋斜日芳魂誤。幾番幽夢太支離。烟處處。雲  
樹樹。蒼茫錯認相思路。

後庭宴

曉行

青杏園林。木樨池沼。流鶯處處人家曉。幽探選勝策  
珊瑚。香風嘶過。蘼蕪道。天空露澹。飛鴉數點。依稀  
雲表。孤村野墅。時有炊烟遶。一徑落花深。千山遙黛  
小。

踏青游

風景依然。一帶山村水郭。乍喜見烟霞無恙。到鶯花

閒世界。總消盡塵凡想。正是艷陽天氣。好採取林泉  
近况。紅滿綠村。又蚤碧桃初放。漸馬首香塵搖漾。  
望柳際青帘幾處。朱樓敞。聞春有歸信。試覓春光去  
向。

沁園春

紀夢

維仲之秋。明月三更。夢到方諸。過翡翠巖中。池皆瑤  
玖。芙蓉城內。樓是珊瑚。羽轡閒停。飈車偶駐。笑望羲  
和。跳赤鳥。居無幾。見乘鵝。駕鹿。曳霧衣。銖。香風吹  
下。仙姝訝客。自何來到。藥珠探絳雪。青精索人玉白。

丹經綠篆。示我陰符。樂響雲璈。香飄石葉。一晌懽娛。海未枯。迨醒後。再沉吟。想像似有還無。

百字令 秋夜

漸秋滿矣。望峯頭月上。光搖遠水。紅鎖楓林風陣陣。落葉輕烟捲起。飽露茱萸。凝香桂老。涼夜清如洗。星河歷落。極目長空萬里。我欲轉倩重雲。向天公問取。人間所以。危坐移時衣粟冷。此夕思量無已。遶砌蛩聲。橫樓雁字。同是天涯侶。唾壺敲碎。且復經營杯底。

江神子 九日

齋居疎懶。負秋光。夢荒唐。病郎當。滿目黃花消受。一簾香寂寂。空庭寒。峭。峭。驚落葉。怯微霜。歸帆惆悵。水雲鄉。別。別。別。意茫茫。擬泛茱萸。生怕是離觴。鶴喚。漸遙鐘漸悄。無個事。儘思量。

賀新郎 優人新婚

夫子門楣異。却羸來。嬌羞事業。風流經濟。一向喬妝。身請妾。此舉差強人意。指山海香盟粉誓。笑煞逢場。花燭假喜。今嘗花燭真滋味。貪美滿。恣耽。箇儂。

休作男兒覷料無非鉛華侶伴。裙簪班輩。正自難分  
姑與嫂。謾道燕如兄弟。恐還是趙家姊妹兒女。溫存  
原自慣。願卿卿憐婦如憐婿。今何夕。三生會。

梅花引

舟行

晚烟濃。晚波紅。彩鷁牙墻趁好風。任西東。任西東。萬  
頃茫茫。晴潮漾碧空。醉持大斗邀明月。笑垂長釣  
探龍穴。訪仙蹤。訪仙蹤。遙溯流光羣山轉鏡中。

醉春風

閨怨

莫訝情非舊。假意如何久。箇中滋味好淒涼。受受受

早起難拋。晚來漸劇。夜深更陡。不道而今又無柰  
常空守。龐兒了不似當時。瘦瘦瘦。恨我癡心。惟人得  
意。虧他下手。

三臺令

採蓮

紅袖珠衫并舉。蘭橈桂楫爭移。滿岸香風欲晚。何處  
歌聲漸低。

長相思

夏水

玉山傾。雪脂凝。旨藕哀梨漾碎瓊。涼侵雲母屏。碧  
瑩瑩。影澄澄。新茗香。澌琥珀清。秋風金盃生。

前調 秋思

怯生生立亭亭。漸望銀河轉玉繩。誰家月下笙。西風清遠鴻驚。角枕橫斜撲小螢。夜長無奈更。

荷葉盃 閨夜

好夢空縈情緒。無據。瑞腦燼香篝。疎雨梧桐滴未休。愁麼愁。愁麼愁。

薄命女 宮怨

春杳杳。嫩綠連天長。信草芳徑流鶯曉。漸聽鐘聲送悄。又怕笙歌會早。倦粉慵香人自老。鏡裏青山小。

西江月 焦湖懷古

三國曾稱重鎮。千年變作窮鄉。殘碑故里紀周郎。當日英雄何往。百萬健兒塵盡。至今血染湖光。朝吳暮魏總荒唐。都付滄浪漁唱。

南鄉子 春閨

風料峭。雨廉纖。最難排遣早春天。花落漸深鶯語澁。闌亭黑。侍女不來心膽怯。

雙調望江南 雪中山

雪中山。天色有無看。犢鼻褲深孤牧遠。箬簑衣重暮。

樵還突兀白雲間。荒徑小斜月數峰寒。石髮浸成珠絡索。枯藤滴就玉欄杆。懸壁杳難攀。

如夢令 咏雨

冉冉重雲欲度。隱隱輕雷初怒。一霎沛新霖。頓失郊原芳樹。如絮如絮。狼籍亂紅無數。

前調 邀飲

春色今年稱最。况是賞花天氣。小飲莫輕歸。試看月明還未閒。憇閒憇且。向花前坐地。

前調 秋山

遠寺崢嶸一石礙。小徑迷離烟蓋。斷嶺過孤僧。隱隱攀援雲外。如黛如黛。碧水蒼烟一派。

巫山一段雲 旅暮

遠水春潮白。幽林夕照紅。晴嵐千里落芙蓉。積翠滿花春。曲塲藏新月。遙帘漾好風。炊烟猶在板橋東。燈火隔疎鐘。

蘇幕遮 海別

木蘭桡。楊柳渡。細雨斜風。今夜知何處。買恨賒愁。皆自誤。去易歸難甚。日當重聚。水空流。雲難駐。望盡

輕帆遠浪。惟烟霧悔殺。從前殊太遽。反覆思量。還是儂相負。

一剪梅 秋詞

連宵風雨漸催秋。打點迎秋。忽已驚秋。韶光只恁易成秋。記得前秋。又到今秋。最難排遣是三秋。無奈新秋。况復深秋。他鄉何以度窮秋。挨過殘秋。更慮來秋。

曹秋嶽 溶 曰容齋早著盛名詩文無所不妙其為

填詞則清姿朗調原本秦黃於冰心鐵骨中饒

玉艷珠鮮之致高念東每吟其青玉案一闋謂

非食煙火人所能道天然之句衝口而出雖老

師宿禪多所縮舌也又曰昔楊用修評務觀小

詞纖艷似淮海沉雄似東坡予謂容齋能兼擅

所長

劉公馥 體仁 曰湘北早歲蜚騰餘波綺麗得宮詞

之別體移舊譜於新聲丁卯橋邊烏絲自寫庚

寅集裡水調爭工洵足鼓吹詞苑左右風人者夫。

聶晉人先曰余往在葑園齋頭讀先生歲郵詩春容大雅確為詩學正宗今鈔其填詞如秋宵聞  
遂飄渺之聲沁入心腑又如春曉舒蘭芳芬襲人最宜襟裾其得詩餘之三昧者乎

名家詞鈔目錄

廬陵 聶 先 晉人

長水 曾王孫 道扶

纂定

楓香詞

商丘 宋 擘 牧仲

永遇樂 賀新涼

如夢令 調笑令

浣溪沙 虞美人

青玉案 送我入門來

魚遊春水

唐多令

滿江紅 三調

夏初臨

念奴嬌 二調

滿庭芳

醉太平

高陽臺

桂枝香

綺羅香 二調

柳稍青 二調

水調歌頭

風流子

金菊對芙蓉

沁園春

酷相思

鳳凰臺上憶吹簫

洛陽春

玉聯環

阮郎歸

錦堂春

南歌子

江城子

蝶戀花

品令

鳳樓春

江城梅花引

絳都春

天香

水龍吟

摸魚兒

齊天樂

Blank page with vertical lines, likely bleed-through from the reverse side.

楓香詞

商丘宋 學牧仲

永遇樂 柳絮

望○去○非○花○飄○來○疑○雪○輕○薄○如○許○未○作○浮○萍○已○離○深○樹○  
此○際○誰○為○主○隋○堤○三○月○幾○回○翹○首○一○片○漫○天○飛○舞○最○  
堪○憐○無○根○無○蒂○總○被○東○風○弄○汝○ 蹋○歌○魏○女○離○情○多○  
少○問○道○春○光○何○處○乍○撲○空○簾○旋○黏○芳○徑○好○倩○鶯○啣○取○  
還○思○往○日○鵝○黃○初○染○變○態○頓○分○今○古○枉○垂○着○長○條○踈○  
地○縮○伊○不○住○

賀新郎

呈李容齋學士

歲又將秋矣。向天涯。良朋高會。於今無幾。館閣雍容。稱好客。誰似青蓮才子。詞賦手。招來燕市。小院雙榆。新霽後。寫傷心。綺語清宵裏。爭擊鉢。任浮醴。余惟翹首興懷耳。正窮愁。柴門偃仰。未陪名士。妬殺曉風。殘月句。譜自娉婷女史。作佳話。流傳不已。何日更成文字。飲共狂歌一曲。涼颼起。先寄訊。吾知己。學士方有詞會

余適以病未赴

如夢令

白丁香八月復花

密。蕊。臨。風。香。細。艷。雪。幾。枝。分。綴。不。復。結。春。愁。占。斷。小。園。秋。霽。庭。際。庭。際。妬。殺。一。叢。丹。桂。

調笑令

隲括吳門女子詩。任丘旅店題壁云。妾自梳月號蓮。仿家住半塘。幼失

雙親寄養。它姓姿容畧異。慧業不同。非敢擅秀。閨中願効清風。林下豈意我生不辰。所適非偶。日彈琴之相對。百恨纏綿。時捲幔。以言征一詩。哽咽余爰題之。驛亭人各憐之。黃七可耳。其詩云。吳官春淡怨別離。風塵慘愴雙蛾眉。鵲啼月落寸腸斷。香消芍藥空垂垂。流黃未工機上織。生小殷勤弄文筆。新詩和淚寫郵亭。珍重寒宵誰面壁。丙辰三月廿日。北上過此。挑燈細讀。感慨係之。因隲括原詩為小令。用貽好事云。

面壁。淚痕溼。想見含毫燈下立。風鬟雨鬢吳宮隔。芍

藥香消。堪惜明妃遠嫁歸。何日一曲琵琶。悽惻。

浣溪沙 春城卽事

楊柳春城駐憶車。羅衣掩映女墻斜。江南粧束是誰家。城下有人閒佇立。芙蓉朝日望來賒。一春愁緒又添些。

虞美人 酒邊

橫波剪得吳江影。髮覆蝓蟬領。文茵初上臉微紅。恰聽雛鶯羞澁。啣東風。輕盈擬倩遊絲惹。留住春光也。爖香艷雪綺筵邊。好個朦朧烟月。斷腸天。

青玉案 自題楓香詞

楓香橋是黃州路。曾岸幘扶筇去。一望霜天風景暮。空山流水。白雲紅樹。動我悲秋賦。於今屢夢高歌處。聊取嘉名錫癡語。蘭畹金荃休見妬。花間低按尊前輕度。總愧江楓句。

送我入門來 閨怨

翠浪翻帷。紅綾燦枕。燈花細落銀缸。夜雨春風。寂寞掩蘭房。吐絲妾似蠶眠箔。奈化枳君同橘。過江此恨。倩誰說與。願逐晨風飛去。遂到君旁。水遠山高。雲

樹但蒼茫。鴛鴦幾見池中睡。嘆芍藥空飄檻外香。

魚遊春水 漫懷

蕃馬屏風小。圍向洞房春正好。鴛鴦飛起不道雲滾。  
波。杏映日曾憐杏蕊新。籠烟還憶楊枝裊。片月常虧。  
雙魚恁少。遠道萋萋芳草。天外山同眉黛掃。誰知  
孤客登臨。總傷懷。抱輕寒。輕暝春歸久。閒悶閒愁秋  
到。早斷續哀蛩。蕭疎叢篠。

唐多令 偶憶

楊柳正如絲。蟲蟲見客時。比瓊花別樣芳姿。幾度問

年羞作答。微笑道。有娘知。回首便天涯。風情減。牧  
之。悵紅橋雲樹迷離。無限思量如夢寐。真薄倖。負佳  
期。

滿江紅 初伏雨中 上幸宣武門觀洗象聞  
信趨至 乘輿已返象亦洗畢矣賦

以寄  
慨

伏日炎蒸。長安道。喧傳洗象。正翻盆急雨。御河新漲。  
隔岸乍聞吹畫角。歸途已見排仙仗。有烏蠻赤脚踏。  
將來。巋然狀。飛樓啓。乘輿上。天顏喜。宸遊暢。  
奈衝泥後至。翠華徒望暮。返柴扉。仍寂寞。吟成斗室。

添蕭爽笑吾生萬事總蹉跎。休癡想。

前調 拾遺亭中秋燕集再次顧菴學士韻

澹蕩西風。盡吹却鱗鱗雲漲。高會處銀蟾乍湧。清光無恙。桂影婆娑。河漢外。露華霑灑。梧桐上。正遙天一。片好秋容。來相餉。擎玉斗。香醪漾。按象板。吳兒唱。漸更深漏轉。薄寒初釀。誰繼謝莊。今夜賦。空傳公遠。當年枝。羨素娥相對舞霓裳。紛千狀。

前調 秋日西涓次顧菴江村韻

過雨西涓。草堂裏閒看新漲。病初起塵襟天氣。詩懷

無恙。波影如雲。當岸走蘆花似雪。綠階上見。攜來尺半鯉魚肥。鄰翁餉。衰柳下扁舟漾。夕陽外漁歌唱。更舉杯邀月。同傾花釀。高興漫裁金縷曲。狂游還覓青藤杖。但烟霞深處。作生涯。真無狀。

夏初臨 本意

堤柳添烟。苑花飄翠。匆匆過了三春。雨霽風恬。清和撰就嘉辰。閒庭草色如茵。映方塘碧水粼粼。單衣初試。疎簾乍垂。密篔先陳。幾多恨。葉一片情波。沈腰帶減。潘鬢霜新。山茫水渺。風流何日還親。猶記同君

看雙雙燕拂梁塵。到斜暝。薔薇架邊。坐對仙裙。

念奴嬌 同王北山葉詡菴王阮亭過張晴峯寓齋聽金山人彈琴

消憂何處。愛張融舟屋軒窓。偏潤綠樹陰森。新雨後。一架藤花爭發。文酒移情。烟雲過眼。俯仰塵襟。豁。枯桐挂壁。鞠通隱隱。曾齧客有江左風流。郢中高調。抱取金徽拂。四座無言。燈影靜。清響傳來。超忽曲奏。離騷腸迴。冰炭宿鳥驚林樾。嗒然相對。當簷飛出。明月。

前調 夏同徐方虎周廣菴弟子昭遊龍泉寺即席有作

清和新霽。杖孤筇。野外追隨上客。望去琳宮千樹裏。磬響乍傳遙碧。山色當門。葵花盈砌。到此塵囂隔。脚盃藉草。賞心更擁圖冊。誰道冠蓋京華。偏容吾輩。泉石留行迹。醉後看松過別圃。細雨霑衣將夕。公瑾風流。偉長詞賦。此會高今昔。岑參兄弟。願言常奉遊屐。

滿庭芳 春日雨中同田子綸謝方山過隣寺看花分賦時有寺僧能詩善字談久而歸

雨做清愁。人添羈恨。幾處花放春城。招尋初地。修竹

倚茅楹。千葉桃花灼灼。苔牆上薜荔抽萌。開樽好隣  
園灌木。百轉聽流鶯。移情當此日。山僧乍遇。人淡  
詩清。更書同顛米。筆陣縱橫。向夕花前小住。狂歌發  
共掩柴荆。天將霽。朦朧片月。深殿一鐘鳴。

醉太平 春閨用方虎偶作韵

花開亞枝。鵲飛遶枝。臨風偏惱萱枝。道春歸有期。  
窓懸網絲。琴閒鳳絲。傷心聊寫烏絲。問人歸幾時。  
萱枝

名婢

高陽臺 章江舟次讀玉田詞步集中韵

遠水拖藍。晴峰送翠。徐牽三板輕船。野岸風箏。撩人  
恰是新年。垂楊不負東君約。裊鵝黃一色。堪憐更悠  
然。幾處漁歌。幾點村烟。家山回首斜陽外。但萋萋  
芳草。森森長川。十八灘遙。舟人指向鷗邊。紅牙漫拍  
王孫句。倚蓬窓。聊破愁眠。莫垂簾。尚有江梅。尚少啼  
鵲。

桂枝香 蟹

江湖歲晚。正水落空洲。楓下高岸。設斝平沙。敗葦燈  
光零亂。輪囷乍向臨流得。掩青筐。霎時皆滿。誰憐攜

去漁莊草舍。清霜一片。又早是重陽款宴。歎秋色  
殊佳。籬金初徧。幾處酒人對擘。新橙同薦。老饕只愛  
持螯嚼。想眉山曠懷如見。還從醉後。茶烹石鼎。恍窺  
雙眼。

綺羅香 雙

借草生情。因風弄影。熠燿飄來何處。箇箇輕盈。點綴  
秋光無數。纔亂穿小幔疎櫺。又暗照空墻廢圃。似從  
他狡獪。天孫繁星洒作夜淡雨。佳人輕把扇子。好  
撲取閒堦上。玉纖籠住。淒切寒蛩。妬殺流輝遲暮。前

燭至。暫歛微明。綴庭柯頓成珠樹。最堪憐。數斛徵求。

遍山巖放去。

隋煬帝徵求螢火數  
斛。夜遊遍放巖谷。

前調

秋夜同方邵村諸公飲吳五崖寓齋聽  
吳兒度曲。

席帽聊蕭。塵襟冷落。恰喜騷人相見。永夜啣杯。珍重

紅牙低按。乍飄來管脆絲恬。任聽去魂消腸斷。看燈

前年少吳趨。風流並極一時選。誰憐吾輩倦客。潦

倒長安市。歲華偷換。邂逅歡場。莫道漏沉星轉。賦短

句。宋玉增悲。縱高談方干忘倦。問籬畔菊有花不。還

期花下讌。

柳梢青 早春

何事淹留。朝來春色又遍皇州。綺陌燒燈。鳳城挑菜。吹面風柔。招尋漫逐鳴騶。回首處。傷心舊遊。燕子穿簾。杏花倚檻。小小紅樓。

前調 夏夜

作客經時。葡萄引蔓綠透書帷。雨後追涼。風前聽籟。月正如眉。中宵無限凄其。奈短笛隣家。又吹踏遍。苔錢尋來。螢火排遣些兒。

水調歌頭

秋日送徐方虎太史給假省親歸武源用朱竹垞檢討寄曹秋嶽先

生原韵

斜日照青嶂。落葉下金臺。故人辭我南去。塞鴈一聲來。蓴菜茗溪堪摘。茅屋蘋村無恙。遙指白雲隈。相送潞河上。蕭瑟荻花開。倚門望。歸棹急。肯徘徊。江風漁火。偏喜歲晚謝塵埃。到日浣裙調餼。暇日登山臨水。野老對啣杯。史館須椽筆。好與鴈同回。

風流子

夏日徐方虎邀同胡孟綸太史馮陽長大令舍弟子昭黑窑廠登眺卽席

漫賦

帝城幽絕處。孤臺起突兀。古墻邊。嘆車馬此時。幾人

休歇林丘我輩。隨意盤桓。恰還有彩毫堪共賦。清酒  
罄交歡。佳氣鬱葱。瞻來北闕。嵐光重疊。送自西山。  
斜陽風吹落。冰輪皎。又見湧上天壇。各向迷離烟樹。  
指點鄉關。正西湖雨後。荷香十里。梁園月下。竹影千  
竿。何事尊鱸高興。偏讓張翰。

金菊對芙蓉

九日同陳其年振衣樓登高其  
年有南歸意賦此留之用史雲

臣虎丘  
中秋韵

老矣陳琳。悲哉宋玉。披襟共此清秋。恰重陽又到。載  
酒樓頭。君言計日江南去。看霜林橘柚如毬。未成分

手。偏宜對菊。醉發狂謳。鼓枻漫逐河流。有蕭娘窈  
窕。潛貯商丘。問故鄉雖好。可否同遊。天涯况未銷烽  
燧。看画溪莫說尋幽。好將彩筆。登臺賦雪。一笑淹留

沁園春

題孔釋抱送圖賀大司農梁公兩舉  
丈夫子

列戟朱門。雕橋珂里。喜見懸弧。恰鳳雛載誕。參差玉  
筍。麟兒同育。錯落驪珠。如此奇逢。真稱佳話。豈復尋  
常吉夢乎。須知道。是尼山鷲嶺。送自雲衢。匡時共  
說。司徒宜堦下。芝蘭秀色。敷美食牛之氣。抱來競爽。  
驚人之骨。望去皆殊。千里神駒。一雙英物。異日追隨

殿陛趨開筵處。任名流作函。詞客操觚。

酷相思 旅况

巷子條條看盡似。但塵影連天起。笑彈指光陰直個  
是。喫過了櫻桃矣。插過了荷花矣。刺有瓶中三日  
米。且自繙書史。問何不歸歟。偏戀此。還要看螢光耳。  
還要聽蛩聲耳。

鳳凰臺上憶吹簫

題周昉宮人調鸚鵡圖

寶髻盤雲。絳綃籠雪。內家粧束風流。向石邊小憩。藏  
却綉鈎。還有侍兒執扇。苔徑裏映帶溫柔。傷心也。杏

花在手。凝盼枝頭。

啾啾綠衣娘子。愛惜殺春光芳

樹能留。好教將言語。等待宸遊。似欲殷勤重問。長門  
賦。汝會吟不。摩挲嘆。一方素練。貌盡宮愁。

洛陽春

摩訶菴看牡丹

映日齊開紅萼。霞光交錯。獨從初地占穠春。似空谷  
佳人託。憶昔看花張幕。天香薰酌。祇今惆悵近雕  
欄。將勝事思量着。

玉聯環

偶遇用阮亭個儂韵

纖腰恰傍垂楊樹。瞥然驚遇。尋常梳裹可憐人一縷

膩香風處。白板門邊歸去。盈盈微步。斜陽飛絮。奈何天直欲作高唐賦。

阮郎歸

聞畫眉聲和方虎用山谷韵

雕籠小鳥兩眉彎。誰爲描遠山。好音縹緲落簷前。空堂成碧山。低格磔碎間關。新聲李義山。聽鸚鵡携酒送春閒。何時少室山。

錦堂春

畫上美人

寶髻八盤倭脩。櫻脣一點鮮圓。低徊無語風前立。顧影自生憐。珠淚玉烟誰寫。膩香真色俱傳。明妃不

減妖嬈態。應費画工錢。

南歌子

題吳門清河女子花鳥

寫鳥能生動。描花吐艷姿。深閨纖指露清奇。不數黃筌。崔白画家師。倦倚紅紅筆。愁凝小小眉。莫教風雨妬胭脂。留待雙雙富貴白頭時。

海棠牡丹  
白頭翁

江城子

感舊

筠廊秋艷菊花叢。命秦宮。理焦桐。坐向花前。纖手動清風。白紵輕衫腰一把。流盼好。送歸鴻。思量往事恨難窮。恁忽忽。水流東。寂寞高齋。桃萼又將紅。獨抱

雲和今夜裏誰忍弄月明中

蝶戀花

送曹我眉舍人歸毘陵用王阮亭民部韵

溽暑長安榴吐纈。客憶尊鱸不待清秋節。座上高談驚乍歇。篋中留得文如雪。折柳旗亭歌一闋。竟別東華人道真癡絕。無限相思何日徹。春申浦上蘆花月。

品令

咏阮亭寓齋竹用西樵先生韻

何可居無竹。共晨夕。惟君獨森森似束。雨枝烟葉聲飄哀玉。謾說千竿如此。一叢已足。依然淇澳遍軒

檻。皆新綠。恰宜阮籍高吟。月下清陰滿目。隙地無多。更種幾本寒菊。

鳳樓春

長安寄懷劉山蔚用見贈原韵

記得早鶯啼。紅杏初飛。宋城西。旗亭別路草萋萋。回首處暮烟迷。獨有河梁投贈句。任遠道相隨。酌醪醺醉後何為。行歌燕市。故人天末。幾番惱殺分離。吹面麴塵。素衣今已化緇衣。中宵無寐。千種思惟。

江城梅花引

月夜過友人寓齋聽隣姬度曲

誰從比舍奏清商。小秋娘。小兜娘。一縷因風裊裊度

空墻燕語乍停鶯。又嘯黃昏後。聽來時。總斷腸。斷腸斷腸起徬徨。月有光。漏正長。欲去欲去不忍去。餘韻悠揚。彷彿天邊。過住片雲翔。好借看家苦。逕裏坐十日。聽千巡。願始償。

絳都春

秋夜感懷寄方虎用其年元夜韵

炎蒸纔謝正暮雲。斂盡銀河斜掛。鶯燕風流。荷芰繁華。夢還惹。此時旅况何如也。舉目見新霜。露瓦青瑩。燈火紙窓竹屋。狂吟閒寫。中夜追思。往日向金門。執戟競誇裘馬。一陣西風。又送羈人燕臺下。急須覓

破衣殘帕。同學者相逢如乍。且尋江表徐陵。月明詞話。

天香

龍涎香

島嶼蟠沙。烟波抱月。潛虬吐沫如許。斂自綃宮。滴同薇露。萬里浮槎誰取。博山小試似快剪雲英。一縷裊裊。紫簾拂座。悵望海天何處。最憐空闥。獨炷對氤氳。燕梁鶯戶。漫倚銀篝。聽盡夜深梅雨。此際相思不淺。嘆苟令風流頓非故。素被餘薰纏綿未去。

水龍吟

白蓮

田田漫舞銀塘魚牀捧出梨雲好。新粧淡佇。靜窺湍  
瀨。臨風窈窕。翠羽低穿水蕩。斜壓數枝偏皎。宛湘妃  
獨立。輕綃掩映。明璫綴波光照。三十六陂。綠絲漸  
黃昏。冰姿恁悄。開宜玉井。折應素手。鬧紅都掃。露冷  
纔香。月明無影。蕙花共老。對崔洲千朵。堪成雪賦。向

鄒枚道。

崔洲在梁園卽  
鄒枚賦雪處

摸魚兒

蕁

甚江東綠波無際。柳湖風物尤美。露葵生處春洲遠。  
翠葉紫莖鋪水。輕摘起。見說道參差荇菜。渾難比烟

村小市。算只有吳鮮。依稀釵股。好自伴菰米。秋風  
動。有客天涯徙倚。采芳曾作歸計。當時但爲鱸魚膾。  
何事悵然如此。誰鼓柁。常是那香羹調向蘆花裏。樽  
前漫記。與碧礪芹芽。簾泉玉版。瀟洒共丰味。

齊天樂

蟬

西園漸屆清商節。疎林一聲凄切。葉底潛流。枝頭乍  
送。常向空庭紛聒。齊姬恨結。正無限傷心。曉風殘月。  
寥落高天。滿身涼露。響還歇。故園舊曾聽處。柴門  
閒倚杖。清韻飄忽。翻入雲深。傳來院。幾聲數哀蛩啼。

名家詩錄  
鵝悲秋自說。任南陌東城斜陽明滅。更憶閨中鬢絲  
真髣髴。

余曼翁懷曰。楓香詞情深今古。思入風雲。組織之  
工。勝于鋪錦列繡。運思之巧。居然轆柳凌秦。賦  
鐵石之梅花。開技頭之紅杏。何其麗也。宜廣播  
于藝林。技至此乎。爰永傳于樂府。

陳其年維松曰。秀琢則夢窗。細膩則片玉。至一種  
縹緲離合之致。更復置身詞外。得離鈞三寸之  
妙。

吳園次綺曰。近之詞家。互為澁體。施于樂府。競號  
新聲。實有江河之憂。豈獨風雅之變也。先生楷

名家詞鈔  
模八代。衣被九州。乃以大雅之才。間爲小山之製。具周秦之麗節。而去其靡。寫辛蘇之壯懷。而無其亢。所謂永嘉之末。復聞正始之音也。

名家詞鈔目錄

廬陵 聶先 晉人

纂定

長水 曾王孫 道扶

南溪詞

嘉善 曹爾堪 顧菴

搗練子 長相思

相見懽 女冠子

點絳脣 二調 浣溪沙 二調

采桑子 減字木蘭花 三調

好事近

清平樂

朝中措

西江月

少年遊

醉花陰

南歌子

鷓鴣天

木蘭花令

步蟾宮

南鄉子

踏莎行

臨江仙

蝶戀花

蘇幕遮

青玉案

千秋歲

御街行

洞仙歌

華胥引

滿江紅

水調歌頭

滿庭芳

燭影搖紅

念奴嬌

瀟湘逢故人慢

沁園春

賀新郎

南溪詞

嘉善

曹爾堪

顧菴

搗練子

春思

人○正○倦○晝○偏○長○夢○醒○微○聞○繡○閣○香○花○徑○尋○芳○誰○是○伴○  
金○衣○公○子○雪○衣○孃

長相思

寄跡荒場

溪○邊○蘆○水○邊○梧○我○唱○新○詩○典○未○孤○錦○囊○隨○小○奴○樽  
常○枯○偈○常○逋○舊○識○僧○徒○和○酒○徒○年○來○多○半○疎

相見懽

江村

水痕新漲苔磯。杏花飛江岸。蒲牙如箭。紫魚肥。蠅  
頭利爭無已。昨元非。只有子規。明白喚人歸。

女冠子 山房寒思

吳船來往。愛聽畫眉。停漿冷紅飛。石醜猶稱丈。花嬌  
却字妃。佇看千藥綻。空憶四腮肥。松鼠簷前落。已  
忘機。

點絳脣 感舊

記得黃昏。看眉稍微見。紅潮印。夜深低問。釀作分離恨。  
翻悔當初合了。鴛鴦枕。嗟孤另。欲通佳訊。人遠天

涯近。

前調 陸舫春思

沙暖蒲香。鳳池漲綠。晴波皺。槎黃御柳。三月春方透。  
小徑閒吟。碧蘚生鴛甃。消晴晝。雨絲拖逗。似補梨  
花瘦。

浣溪紗 曉起

樂事貧家竟不貪。疎風斜雨過城南。單紗消受嫩涼  
甘。宿硯頻催童子滌。好花頒與侍兒簪。暗將私語  
賭宜男。

前調 秋日園居

謝客微軀不願勞。病餘覺減酒狂豪。花間行礙接羅高。箇箇蔓牽黃荔子。垂垂架掛紫蒲萄。曉盛芳露和蘭膏。

采桑子 曉粧

曉風吹破流蘇暖。花滿香奩。蝶滿湘簾。拾起殘紅玉笋尖。未梳蟬鬢如雲壓。膏沐微沾。宮粉輕拈。十樣新眉懶去添。

減字木蘭花 初夏放舟郭外

垂垂紫棟。四月江心。頻點燕亭館。誰家天棘抽條出。屋斜。輕舸不穩。移向伍塘風力緊。晴日將西。黃犢江村水。一犁。

前調 春暮

晚飄紅雨。吹亂薔薇啼杜宇。綠樹新陰。中有青樓惜別心。湘簾半落。細聽呢喃催繡箔。心事誰傳。傳語鸚哥。當錦箋。

前調 清和晝涼釀陰不雨小詞志憶

籜龍抽綠。兩部笙簧池上續。猩染薔薇。雪壓酴醾蝶。

亂飛半床絃管櫻筍風光過小滿最憶清娛釣具  
茶鎗寄五湖

好事近 送客北遊

斯世少英雄應笑成名豎子衰草夕陽彌望弔金元  
遺壘霜橋孤月照空囊枯樹亂鴉起旅館蕪菁低  
照讀數行殘史

清平樂 閨詞

眉痕頻皺不似東風舊欺盡孤眠寒更透生得腰肢  
元瘦梨花靜掩長門等常過後黃昏魂向當初銷

盡如何又說銷魂

朝中措 東于小憇

平沙水漫暮潮通亞竹野桃紅燕子國中佳日白鷗  
社裏東風干將故里避喧剷跡斗酒過從錯字休  
教鐵鑄來尋三泖漁翁

西江月 題懸真子浮家泛宅圖和韻

有客漁焉終老惟君賜者爲家釣竿茶竈隔船紗攜  
去隨潮上下水口紅桃流散山前白鷺飛斜風波  
惡處舞神鴉笑捲青簑歸罷

景陽樓前調

景陽樓

絲管競調玉樹。瓊瑜暗墜金鈿。酒酣狎客劈紅箋。受  
用佳人捧硯。盡道無愁天子。還疑有劫神仙。景陽  
鐘罷最堪憐。井上胭脂零亂。

少年遊

東友

故園春到弄芳菲。人靜落紅稀。柳岸漁汀。風來水面。  
鴻鵠一雙飛。柳東丙舍。宵聞鶴瀟灑。芰荷衣。鱸膾  
烘鹽。蓴羹。襍豉。何負季鷹歸。

醉花陰

春景

烘桃熨柳春方縱。紅雨花稍重。風日近清明。幾片榆  
錢。都弄鶯兒俸。冷烟堆徑和誰共。苔補閒堦空。杜  
宇莫頻啼。不喚人歸。只喚三更夢。

南歌子

西湖夜汎

鏡展嬌如雪。衫輕怯受風。薄陰偏覺鬢絲濃。獨喜清  
秋無暑。畫船空。頻勸杯中綠。微添酒後紅。銀箏一  
曲。手玲瓏。見有檀痕。低指印酥醕。

鷓鴣天

秋邸

草綠閒庭曉露清。棗紅簷角媚秋晴。鸚哥簾底頻頻

喚鴉舅。堦前細細生。銅箭靜。石床平。遊仙不與換。  
公卿櫻鞵。翳笠蛇條杖。好向縵山頂上行。

前調 冬日小集

赤葉樓頭好醉看。高歌一曲笑彈冠。剖香橘。袖吳姬。  
手撮細蒲萄。燕市盤。紅袖側。易爲歡。多情莫厭酒。  
杯殘。惟耽杜牧風流句。不點明犀也辟寒。

木蘭花令 秋憶

木瓜香徧鍾山道。桂子倩人斜插帽。歌搖朱雀桁前。  
乞酒。濺烏衣堂下草。十年浪跡浮雲杳。畫檻生烟。

無客到。沙家零落寇家貧。若箇琵琶傳賀老。

步蟾宮 秋意

木犀香吐金英細。碧水畔。金風如洗。高樓一夜對嬋娟。  
髣髴在廣寒宮裏。疎風淡漢無纖膩。坐漸覺。露華微泚。  
頰桐葉底。闔鶴鶉空攪亂花陰滿地。

南鄉子 贈紅兒河陽妓

停酒按紅牙。蘇合香濃掠鬢鴉。秋水模糊偏可惜。天  
斜。十五娉婷早破瓜。愁恨徧天涯。飛絮啼鶯是妾  
家。莫道臙脂開未足。驚誇却占河陽一縣花。

踏莎行 長安秋思

碣石岩嶢。崆峒突兀。龍蟠鳳翥圍宮闕。毘盧閣上望神州。人烟幾點青如髮。北海壺觴。西城鞵襪。薊門斗酒狂歌發。金元戰壘草黏天。黃沙萬里懸秋月。

臨江仙 寄西湖友人

萬疊玻璃開曉鏡。畫橈隨處堪停。杏花村渚倚紅亭。遠山平。仲綠幽徑寄奴青。學士橋邊。柳髮嘯扶筇。應到南屏。鶯啼深柳待同聽。仙人吹鐵篴。小妓索銀餅。

蝶戀花 秋暮

一把黃茅新蓋屋。簷角低低。為避西風肅。欲向東籬重繫菊。荒園所得湘君竹。蟋蟀寒吟聲不足。楓樹垂丹。還有些兒綠。九月霜痕融似玉。空階迸下紅榴肉。

前調 將發廣陵留別穆倩于呈無言

驪唱催人秋未暮。兩鬢霜華。祇為浮名誤。三五嬋娟垂白露。一鞭竟別揚州去。尊酒猶思良夜聚。小店晨鷄。月落餘烟樹。回指紅橋堤畔路。油幢烏榜年年。

度。

蘇幕遮 全椒道人

冷風尖殘月小野徑高低刺眼橫蒼篠茆店孤村偏  
起早輪與閒鷗靜立寒汀皎策輕車攜布帽客路  
年年短髻霜深了江泝青山屏幃繞烟柳無情斷送  
人昏曉

青玉案

訪蔣存魯南湖園居

寒汀細雨鶉鷓喚維小艇蘆花畔堂下殘荷香已斷  
竹都消粉梅纔破蠟紙帳垂銀蒜幽人詩興偏凌

亂清絕林塘寄柔翰秋水南華供把翫公和解笑步  
兵解哭懶解嵇生鍛

千秋歲 夏日題壁

池塘清思菡萏紅生膩涼正嫩人初起榴殘猶灼火  
竹穉齊搖翠聞巧弄畫眉能攪西堂睡栢子抽烟  
細蟹眼潮剛沸時坐卧濃陰底屐黏苔蘚暈衣惹醱  
醜刺還生受桃笙篔簹滑涼于水

御街行 春遊

墻邊桃靨晴微逗楊柳弱枝垂瘦平郊花草逐人香

都是黃蔬青豆。誰家少婦。踏青歸去。不省釵鈿溜。香  
無情嫩綠。江邊鬪喚起。迭翻新奏。暖風引出汗微香。  
沾上遊春衫袖。怪他江水。晴波有暈。似學睂兒皺。

洞仙歌 艷集

雨黏莎徑。做新涼池館。低唱頻斟莫辭滿。擁紅衫烏  
髻。倚煖偎香。稱長短。各許玉環飛燕。燈前留意處。  
隊隊繁華。急管輕圓。絡珠串。燭影動。荷風繞。樹流螢。  
纔數點。偏照鈿蟬金雁。但雕闌畫閣。醉相等。爲粉黛  
消磨。壯心都減。

前調 曉過鶯脰湖

悲涼屈宋。重過吳江道。小市魚蝦開清曉。想蛟龍睡  
穩。千頃晴瀾。風色好。霜後白蘋花老。角巾還故土。  
烟月誰爭。一葦凌波。勝蓬島。茶竈筆床。隨意具。呼取  
樵青。萼絲濁醪。須倒看雙丸。寒暑織如梭。羨湖笛  
漁榔。白頭翁媪。

華胥引 蝶夢

婆娑金馬。轉盼虛空。夢中蝴蝶。燕趙佳人。良宵綺席  
偎粉。靨書生潦倒。名場薄命。元同妾。還我漁磯去。題

江上紅葉。細雨青簑。狎波濤。鷺交鷗接。舒卷閒雲。  
生疎五陵豪俠。東觀殘書。猶在偶翻行篋。魴鯉家歸。  
鄉來無用彈鋏。

滿江紅 春景

欲問春情。嫌太薄。真如一紙粧點。出飛花亂墜。遊絲  
頻徙。江燕不噴園舍。小雛鶯亦愛池亭。美草堂前。聊  
可貯閒情。裁蘅芷。江梅蒂將殘矣。紅杏萼方開耳。  
有香能飼蝶。辨堪供蟻。聽烏林間杯在手。踏青郭外。  
錫膠齒。有時豪置酒。擁紅粧。忙珠履。

前調 長安秋思

苑柳蕭疎。寒信早。清霜欲落。看塞北。飛鴻嗷嗷。亂雲  
漠漠。黑闥壘前。兔兔走黃金臺畔。蒼鷹掠酒壚旁。擊  
筑者何人。悲風作。驅不散。簷間雀。招不下。天邊鶴。  
嘆江南秋色。芙蓉池閣。陶寫縱憑絲竹。妙公卿可比。  
山林樂鬢。添星空說玉堦高。吟紅葉。

前調 和題梅庵小影

老友相於。傷往事。江潭楊柳。同屈指。垂垂半百。昔童  
今叟。剪韭烹葵。諧夙約。嘲風弄月。誰稱首。五湖船恰

受兩三人能攜否。莫閒却彈箏手。好絨着懸河口。  
對門前亭榭。梅妻鳩婦。生食何須求五鼎。雄心只合  
澆醇酒。笑封侯。絳灌巧乘時。元屠狗。

前調 既庭見示小影用梅菴廻韻贈之

偶賦梅花心似鐵。何妨綺語。生徒盛參同考異。軒乎  
其鼓芳草。閒門通小徑。桐陰木榻容箕踞。詠停雲無  
語。送歸鴻。時凝佇。嵇阮約曩曾與用。舍義聊中處。  
歎餘生重見。屐拖殘雨。麴道人來稱上客。楮先生亦  
爲賓主。但劇腸。鏤腎是文章。凌燕許。

前調 思隱和梅庵韻

志在桑榆。靈雨後。星言夙駕。休更說洛陽紙貴。文章  
膾炙。舊有應劉。俱宿草。避人沮溺。唯耕稼。茂林邊鶯  
語劇輕圓。如同話。松似羃藤爲架。蝸殼屋。魚鱗汜。  
覺此中全勝玉堂。休暇。青衫空有淚。清狂白眼。  
時遭罵。且都忘。獨酌看庭前。花開謝。

水調歌頭 野園卽景

簡僻辭城市。弩力到東臯。塵喧不敢入耳。風日靜衡  
茅。傍屋新蒸红柿。貼岸交垂青棟。暖旭上林梢。拄杖

聲微響。有客到門敲。棘爲牆。書作枕。頗清高。隨心自有樂事。恩怨等鴻毛。高大王家臺榭。婉轉謝公絲竹。今日盡蓬蒿。飲酒栽花外。何物使神勞。

滿庭芳 釣樂

釣墜蟾蜍。餌懸蜥蜴。佳詞構自奚囊。修綸一尺。獨爾下菱塘。借問魚蝦幾許。楊筐去。到處徜徉。生來性直。鈎可使不上。亦何妨。何妨終日坐。紫藤花落。白荇花香。有船名舴艋。歌擬滄浪。八十磻溪野叟。名心在。出佐周皇。羊裘子。高山長水。江瀨有巖光。

獨影搖紅

閨情

杏苑春嬌。薄寒猶禁。梨花信。踏青時節。做輕陰。芳徑苔生暈。輕曳弓鞬。未穩帶。游心芹泥微潤。鴛鴦成對。遊戲波心。雙雙相近。閒悶侵尋。淚痕猶帶紅潮印。生憎燕子入空梁。似說離人恨。金鴨篆烟方燼。晦流黃晚風成陣。十三樓畔。廿四橋邊。歸期偷問。

前調 歌席志感

宿世良緣。蓬萊弱水。看清淺。神仙會裏。捧瑤漿。碧藕排高宴。今夜流蘇半卷。到擘阮吹簫庭院。緩斟低唱。

銀箭頻催翻嫌夜短。紅袖多情挑燈一送秋波轉。  
回頭慘澹動離愁。萬里關河遠。嘈雜華堂絃管恍疑  
是夢中來見。傷心何處塞上悲笳驚飛孤雁。

念奴嬌 送幼光還白門同仲馭

孤舟初發。正嚴霜似雪。布帆如紙。一派殘雲縈別恨。  
愁向青山隱几。晚圃黃花。小槽紅酒。客路誰同醉。蒯  
緱黯淡。自將管樂爲比。遙念旅宿方寒。丹陽古道。  
老樹酣青紫。戍鼓沉沉天未曉。殘月模糊映水。白裕  
譚兵。青燈讀易。漫灑英雄淚。啼鳥成陣。石頭城外潮

起

前調

南飛烏鵲繞疎林。三匝無枝可寄。聊借遠游扞骭髀。  
莫似相如憔悴。山峙金焦。江來楚蜀。帆繫斜陽裏。中  
流擊楫。氣吞湖海萬里。雙眼一望蒼茫。寒濤如箭。  
箇箇牙檣起。舊日精靈都已盡。何況堂前燕子。晉宋  
衣冠。陳隋宮寢。社鼓神鴉耳。佛狸祠下。怒潮空打遺

壘

前調 寄懷魏子時官成都司李

錦官自昔稱都會佳麗。已消兵劫。望帝魂歸城郭壞。  
月黑悲啼古堞。劍閣哀猿。刀州嘯虎。蜀棧行人怯草。  
堂無跡。橙林猶戰風葉。聞說萬里橋西。子雲宅畔。  
豐草長林接。爲問薛濤箋在否。幾樹露桃紅。靨諸葛。  
名垂文翁教遠。賦緬相如獵好。等雙鯉嘉陵江上行。  
蝶。

瀟湘逢故人慢

重過虎丘竹亭用王和甫元韻

清陰如幄。修篁拖冷翠。猶昔行窩漫說雀堪羅。喜桂  
叢梅樹坐遠風波。霜侵鴨脚。墜深黃。槭槭庭柯。舉頭

望。五湖伊邇。好攜白恰青簑。浮漁艇。衣短後。有誰  
知。謫星載酒來過。烟水慣婆娑。擬回塘插柳。曲港分  
荷。已公茆屋。賦新詩。不礙行歌。還消受。粥魚齋磬。新  
添一箇禪和。

沁園春

周逸僧納姬

有美一人。特地鍾情。愁城病魔。向迷樓芳草。閉尋墮  
珥。竹西明月。緩度輕歌。若箇能憐。從前是恨。半掩殘  
缸卸綺羅。支餘夢。悵洗脂抹黛。密約蹉跎。欣逢才  
子來過。正三五清光分外多。喜同心。鈿合黃金可鑄。

並頭銀蒜。錦幔成窩。教鵲爲橋。呼鴛作枕。今夜雙成。喚奈何。眉痕細。倩詞塲。綵筆。畫遠山螺。

賀新郎 題畫

遠嶂雲千疊。望層巒空烟半捲。似明還滅。上有清泉飛一道。最可解人炎熱。石鎖處。谿流如咽。下有杉松迷小徑。掛潺湲。樹頂懸晴雪。鴻濛後。氣猶結。誰人識得逃名訣。向深山結茅種竹。人跡俱絕。惡木叢中行。已慣不怕門前虎穴。閒處聽杜鵑啼血。若向畫圖呼欲出。想斯人。飢骨真清徹。長往者。是豪傑。

尤悔菴

侗

曰。近日詞家愛寫閨。稽易流狎昵。蹈揚

湖海。動涉叫囂。二者交病。顧菴獨以深長之思。發大雅之音。如荷露新流。松風徐舉。秋高遠唳。曉霽孤吹。第其品格在晉山渭南之間。會須呵周柳爲小兒。唾辛劉爲傖父。予又何人敢與之較長絜短哉。

丁葑園

澎

曰。詞以溫韋爲則。自歐秦姜史。盛極而

衰。至明末習氣頽唐。迄今日而始盛。其猶詩之在開元天寶歟。學士之詞。實得花間絕妙之致。

似有蘭畹金荃之麗。阮亭先生嘗謂學士詞其源出於幽風一洗鄭衛餘習其知言乎。

名家詞鈔目錄

廬陵 聶先 晉人

纂定

長水 曾王孫 道扶

衍波詞

新城 王士禛 阮亭

望江南 四調 如夢令 二調

點絳脣 浣溪沙 六調

菩薩蠻 五調 羅敷媚

減字木蘭花 二調 柳含烟

憶秦娥

阮郎歸

海棠春

山花子

二調

二調

眼兒媚

應天長

偷聲木蘭花

滿宮花

醉花陰

雙調望江南

浪淘沙

虞美人

醉落魄

踏莎行

四調

小重山

蝶戀花

二調

二調

醉春風

御街行

塞翁吟

尾犯

聲聲慢

念奴嬌

水龍吟

拜星月慢

望遠行

沁園春

賀新郎

衍波詞

望江南

新城

王士禛

阮亭

江南好。春暮雨廉纖。魚子天晴初出水，鼠姑風細不  
鈎。簾底事惱江淹。

前調

江南好。画舫聽吳歌。萬樹垂楊青似黛，一灣春水碧  
於羅。懊惱是橫波。

前調

江南好。風日近秦郵。銀甲暫停朱閣午。玉笙纔度碧  
雲秋。扶醉且淹留。

前調

江南好。最好是孟湖。何處情人名碧玉。誰家庭子號  
真珠。聊爲結相於。

如夢令

簾外游絲片片。晝靜碧虛常卷。翠雀下花陰。啄破春  
陰一綫。誰見誰見。清淚朝朝洗面。

前調

和漱玉詞

送別西樓將暮。望斷王孫歸路。昨夜夢郎回。還是舊  
時別處。前渡前渡。記得柳絲春鷺。

點絳脣

春詞和漱玉韻

水滿春塘柳綿又。蘸黃金縷。燕兒來去。陣陣梨花雨。  
情似黃絲。歷亂難成緒。凝眸處。白蘋青樹。不見西  
洲路。

浣溪沙

和張泌韻

記得相逢亞字城。畱仙裙底步蓮輕。吳家小女字盈  
盈。眉語似通還匿笑。目成難去且徐行。個儂無賴

可○憐○生○

前調

雨○後○蟲○絲○罨○碧○紗○朝○來○鵲○語○闌○簷○牙○日○痕○紅○曙○一○欄○  
花○殘○夢○未○遙○猶○眷○戀○篆○烟○初○裊○半○天○邪○消○魂○應○憶○  
秦○娘○家○

前調

春閨三首

柳○暖○花○寒○雨○似○酥○流○鶯○和○夢○覺○來○無○東○風○啣○峭○捲○蝦○  
鬚○欲○覺○瀟○湘○屏○上○路○楚○山○如○黛○少○雙○魚○口○脂○慵○點○  
鏡○中○朱○

前調

小○院○薜○蘿○欲○作○叢○鞦○韆○池○畔○画○堂○東○日○斜○鶯○轉○謝○娘○  
慵○情○思○託○人○何○處○去○碧○桐○陰○裏○下○簾○蘖○玉○釵○微○墮○  
髻○鬟○鬆○

前調

寶○馬○流○蘇○上○洛○津○玉○人○相○見○宋○家○隣○重○重○屈○戍○掩○殘○  
春○檀○暈○乍○消○星○的○淺○眉○痕○初○淡○月○稜○新○簾○衣○如○縠○  
映○橫○陳○

前調

和漱玉詞

奩畔豪犀間玉梳。新粧纔罷曉寒初。曲欄花日影扶疎。金鴨暖香消桂蠹。夜蟬輕翅上桃蘇。問郎曾解畫眉無。

菩薩蠻 和飛卿詞

夢殘髻棗垂香枕。芙蓉髻墜蒲桃錦。翠幄碧如烟。小星將曙天。起來雙黛淺。繡閣拋金剪。憔悴鼠姑紅。玉堦三月風。

前調 詠青溪遺事 画册乍遇

東風人柳三眠起。鞦韆小院重門裏。對對浴紅衣。鴛

鴛塘上飛。個人花底見。驚喜迴團扇。含笑指鴛鴦。花時日日雙。

前調 私語

梧桐花落飛香雪。捲簾一片玲瓏月。人月兩嬋娟。倚闌凭玉肩。小鬟春睡倦。裙上苔花茜。私語好誰聞。姮娥應羨人。

前調 潛窺

雙雙玉兔衣如雪。中庭桂樹懸明月。也解逐雄雌。倚簾含笑窺。幽踪郎見慣。潛向銀屏看。嬌靨暈紅潮。

伴羞妥翠翹

前調 秘戲

蟬紗半幅圍紅玉。龜紋枕畔雙鬟綠。銀蒜鎮垂垂。含羞忍笑時。屏山金屈戌。女伴偷相覷。明日画堂中。須防面發紅。

羅敷媚 隋堤

隋皇昔幸東都日。錦纜迢迢。鳳艚龍艘。剪綠宮中暮。復朝。琵琶忽唱安公子。紅炬烟消。故國寒潮。一曲清江柳萬條。

減字木蘭花

楊花和弇洲韻

紗窓夢起。極目玉關人。萬里斜綰千條。自古銷魂是。灞橋。春陰不盡除却殘鶯。誰借問陌上樓前。消得香閨幾日。憐。

前調

為長沙女子王素音作用辛稼軒韻

離愁滿眼。日落長沙。秋色遠。湘竹湘花。腸斷南雲。是妾家。掩啼空驛。魂化杜鵑。無氣力。鄉思難裁。楚女樓空。楚雁來。

柳含烟

銷魂樹。曲江邊。移自未豐坊裏。東風吹雪。又吹綿艷。陽天。何處行人歌水調。極目粘天芳草。錦帆曾此。向天涯。落誰家。

憶秦娥

秦淮水。紅樓一帶波如綺。波如綺。琉璃牕下。水晶簾底。梅花點額芙蓉髻。粧成照影春波裏。春波裏。一方明鏡。朝朝孤倚。

阮郎歸

清明邗上

平山堂外又清明。春蕪初蘸青。梨花燕子滿江城。人

家聞賣餠。邀伴去踏莎行。竹西歌吹聲。酒旗一片颺前汀。青絲何處停。

海棠春

曉粧

鸚哥初喚聞方響。幽夢起日浮交網。花影冒流蘇。一片紅潮漾。新梳小髻翻荷樣。初緝額邀郎相賞。慵画小山眉。黛粟畱張敞。

前調

晚浴

星光碎月。搖花影。神麥響。夢回人醒。小婢鬻蘭湯。玉沁冰壺冷。沉香卷髮盤龍鏡。遲半晌。鮫綃重整。不

管繡簾前費盡黃金餅

山花子 秋閨

斗帳初垂嬾卸頭。任他紫棧減秦籌。簾外銀河天似水。數更籌。梧葉催蛩涼到枕。花枝和月午當樓。還比殘春寒食夜。一般愁。

前調

寄程崑崙京口

黃鶴山前黃鶴鳴。杜鵑樓外杜鵑聲。記得戴顓招隱地。共經行。北固雲烟春望遠。南徐風雨暮潮生。一片澄江如練影。接蕪城。

眼兒媚 感舊

少年無賴好尋游。何處著閒愁。羅敷陌上。窈娘堤畔。到處淹留。艷情綺思。消磨盡。往事似塵漚。楞伽堆案。離騷繫肘。別樣風流。

應天長 閨人刺繡

餞春時節。深深院。睡起金衣花外。嘯繡牀輕。素絲軟。一幅吳綾秋水面。麝烟微。螺黛淺。衣上唾絨紅濺。花落日長。人倦偏髻拖殘線。

偷聲木蘭花

春情寄白下

綠楊影裏鞦韆索。乳燕學飛池上閣。水漲銀塘落絮。浮萍又夕陽。方山亭下江南路。画槩凌波從此去。十四樓空萬葉千花淚眼中。

滿宮花

戲題吳蓋仙花卉便面

漢宮春。湘竹扇寫出一痕清怨。輕統半幅不禁秋。幾點墨花輕茜。憶燃脂思捧硯。餘響猶聞金釧武陵。倘許問津來。可似漁郎花片。

醉花陰

和漱玉詞

香閨小院閒清晝。屈戌交銅獸。幾日怯輕寒。蕭局香

濃不覺春先透。韶光轉眼梅花後。又催裁羅袖。最怕日初長。生受鶯花打疊人消瘦。

雙調望江南

江南憶。風景奈何春。鵝子蘸絲黃淡淡。鴨頭染水綠粼粼。帘外杏花村。江南憶。秋氣倍關人。楚塞鴻歸山近遠。吳江楓落雨續紛。誰道不銷魂。

浪淘沙

和漱玉詞

硯匣日隨身。檢點殘春。橫雲斜月闌鮮新。昨夜相思曾入夢。香雨香雲。記得鬪丹唇。似喜還嗔。醒來惆

名家詞錄  
悵隔仙津。欲識迴腸千萬轉。日日車輪。

虞美人

和李後主韻

杜鵑庭院春將了。斷送花多少。幾層楊柳幾層風。總付銀屏金屋。夢魂中。合歡枕上香猶在。好夢依稀改。迴環錦字寫離愁。恰似瀟波不斷入湘流。

醉落魄

讀天寶遺事

風流堪惜。沉香亭下雙鸞鴻。長生殿裏如膠漆。別苑梨花偷試。寧王笛。漁陽戰鼓驚相逼。馬嵬古驛羅衫濕。秋槐落盡空凝碧。殘月華清何處人行跡。

踏莎行

春寒閨怨和雲間詞

燕補新巢。花開舊樹。經時不到南園路。水晶簾額又斜陽。風前陣陣飄香絮。已怕春來。又愁春去。錦屏繡幙留春住。爲誰倜傥爲誰憐。紅顏半是青春悞。

前調

秦淮清明

風雨清明鶯花上巳。樓臺四百南朝寺。水邊多少麗人行。秦淮簾幙長干市。驀地愁來。于卿何事。梁陳故蹟消魂死。禁烟時節落花朝。東風芳草含情思。

前調

咏鏡

名家詞錄  
少衍波

香壓彤奩光迎羅幌。圓冰背結盤螭樣。一泓春水碧。如烟誰教移向粧臺上。脉脉相看盈盈難傍。影娥池畔憑闌望。粧成雙鏡照明簾。芙蓉並蒂波間漾。

前調 醉後作

屈子離騷史公貨殖。直須一石膏騰醉。胸中五嶽不能平。何人解釋狂奴意。修竹彈文綠蕉封事。聊將筆墨供遊戲。茂陵若問馬卿才。飄飄大有凌雲氣。

小重山 和湘真詞

行雲如夢雨如塵。秣陵惆悵事。最傷心。當年瓊樹照

臨春。胭脂井。猶帶落花痕。芳草碧氤氳。舊時朱雀

桁。幾回新。青溪休賽蔣侯神。風景換。紅淚上羅巾。

前調

夢裏秦淮清夜游。銀罌檀板地。幾經秋。青溪如帶掌中流。三十曲。曲曲木蘭舟。錦瑟伴箏篴。春江花月裏。不曾愁。折梅何日下西洲。音信斷。愁上閩江樓。

蝶戀花 和漱玉詞

涼夜沉沉花漏凍。欹枕無眠。漸聽荒鷄動。此際閒愁郎不共。月移牕罅春寒重。憶共錦衾無半縫。郎似

弄。桐花。妾似桐花鳳。在事迢迢。徒入夢。銀箏斷續。連珠

前調 和少游韻

啼碎春光鶯燕語。一片花飛。又是天將暮。欲乞放晴  
春不許。黃昏更下廉纖雨。春去應知郎去處。好囑  
春光。共向郎邊去。畢竟春歸人。獨任淡烟芳草千重  
路。

醉春風 吳陵送春

一霎春將雨。忽報春將暮。謝家飛絮沈郎錢。去去去。

萬點紅中。五更風雨。春歸何處。画舫桃花渡。寶馬  
游絲路。眼前還是未殘春。住住住。明歲今朝。今年明  
日。此情休負。

御街行 贈雁

銀河一雁歸湘楚。似向離人語。獨將二十五絃彈玉  
軫。金徽清苦。水明沙碧。參橫月落。遠向瀟江去。衡  
陽南望峰無數。楓葉秋如雨。不勝清怨却飛來。應記  
江南烟浦。春社纔過。又逢秋社。燕雁行相遇。

塞翁吟 和清真韻

記得相逢處。倭墮玉髻。瓏人靜。悄。画堂東。清暑試  
輕容。龍鬚初展。冰綃薄。雲母曲。曲。浮空。側枕卧。芭蕉  
初碧。躑躅新紅。匆匆自回首。柔奴別後。思往事。都  
如夢中。借錦水。桃花箋。色。合。鮫。淚。和。入。隄。糜。小。字。重  
封。姊。歸。解。恨。似。爲。離。人。訴。盡。東。風。

尾犯 秋懷

羅袂怯西風。玉露初零。瓊花暗落。一片珠簾對寒梧。  
回閣隴首。秋雲多黯淡。天邊鳴雁長飄泊。最堪憐處。  
楚簟涼生。孤睡何曾着。吳天凝望遠。無限水驛山

郭。日。送。雲。中。甚。雁。書。堪。托。在。事。空。憐。韓。椽。少。新。歡。已  
負。秦。樓。約。七。絃。琴。上。私。傳。語。女。床。鸞。鶴。

聲聲慢 和漱玉詞

蛛迷楚館。雁去秦樓。情懷不禁慘戚。帶雨寒蛩。窗外  
似聞嘆息。錦衾斗帳。人遠。枉怨他。西風寒急。更漏盡。  
夢難成。畢竟此情誰識。画尺寶奩塵積。冷落盡枝  
上殘紅。如摘倦枕。鬟鬆寶似鴉翎。剪黑徘徊。那成好  
夢。但鮫人。只有淚滴。恁打笑。那人去。怎是少得。

念奴嬌 和漱玉詞

疎風嫩雨正撩人。時節屠蘇深閉。幾日園林春漸老。  
徧是鶯聲花氣。紅友樽殘。青奴夢醒。寂寞渾無味。關  
山萬里。飄搖尺素誰寄。香閣曲曲迴欄。殘朱零落。  
都爲傷春倚。厭說鴛鴦還待闕。繡被朝朝孤起。額洗  
鴉黃。眉銷螺碧。驪盡相思意。春來清思小。姑將次知  
未。

水龍吟

揚子江上作

岷峩萬里滔滔。荆梁九派來南紀。潯陽東下。稜陵西  
望。吳頭楚尾。鐵甕風高。海門雁斷。角聲初起。嘆從來。

多少英雄割據。都付與東流矣。

盡道長江天塹暗。

消磨幾番戰壘。師兒年少。寄奴老手。正堪相配。北府  
風流子。有孫權甥。如無忌。到而今。洗馬臨江。愁絕一  
天烟水。

拜星月慢

踏青歸晚

雨暈紅酥。波酣碧醞。乍是清明百五。花信風輕。拂繡  
簾珠戶。人初起。慵向鏡臺勻面。何處隔窗低語。青雀  
傳書約。踏青同去。樂游原一片香車度。玉津園十  
里烟花路。無恙往歲春光。又匆匆相遇。倩游絲牽惹。

東君任消魂。絕幾陣棠梨雨。呼女伴歸去。瓊閨掩漫。  
天飛絮。

望遠行

蜀岡懷古

江樓昨夜聞哀角。瀲灩斜陽將暮。淮南水驛。故國長  
亭一帶。迷離烟樹。秋月春雲。歲歲天涯孤旅。贏得壯  
懷如許。最難禁。常是梅天絲雨。誰語。獨上蜀岡騁  
望。見亂柳。栖鴉無數。板渚人歸。玉鈎夢杳。不記離宮  
何處。憶自吳王。僭竊阿陵游幸。幾度蕪城堪賦。但井  
欄風急。精靈來去。

沁園春

偶興

春去秋來。林無靜柯。川無停流。憶卓女壚邊。花籠趙  
瑟。要離塚畔。霜淬吳鈎。劍客從游。酒徒託乘。意氣居  
然橫九州。誰知道。看王家。廝養騎尉通侯。十年壯  
志難酬。但眼底清樽。恣拍浮。謂萬戶千鍾。卿其休矣。  
千峯萬壑。吾又焉求。龍性難馴。鳴飛何慕。爭席休驚  
海上鷗。忘機久。任行歌帶索。五月披裘。

賀新郎

夜飲和竹山韻

過雨花如繡。正采恩四面低垂。繁英香透。結客十年。

知已少。何似銀箏翠袖。莫須問。壽飛山走。且解金龜。  
休作惡。未傷神。絲竹中年後。空淚墮。金城柳。長安  
一雨分新舊。更誰能望塵。膝席爭名鷄口。高誓安期。  
靈氣盡。一望三山似阜。但海水盡成醇酒。鸚鵡螺卮。  
金不落。問狂生得似公榮否。休暫在。捱筆手。

鄒程村

祇謨

曰。序衍波詞。如唐祖命云。極哀艷之

深情。窮情盼之。逸趣。其旖旎而穠麗者。則景煜  
清照之遺也。其芊綿而俊爽者。則淮海屯田之  
匹也。丁景呂云。朦朧萌折。明雋清圓。卽令小山  
選句以爭妍。淮海含毫而競秀。諒無慚夫入室。  
或興嘆於積薪。徐東痴云。流商激楚之音。發皓  
揚清之技。芳澤襍揉。竹絲漸近。錦囊之句。兼善  
夫短長團扇之篇。妙得諸叅錯。凡茲數則。不獨  
爲阮亭詩餘寫照。亦可以滌洞詞蘊矣。

名家詞鈔  
聶晉人先曰。衍波詞香艷驚人。耳目每讀一闕便稱詞壇大觀。不知抹倒海內幾許詞人。至其縱筆任意之妙。公孫氏舞劍器。渾脫瀏漓。差足相擬。美門先生每拈其佳句云。衍波一集。體備唐宋之長。信夫。

名家詞鈔目錄

廬陵 聶先 晉人

纂定

長水 曾王孫 道扶

百末詞

長洲 尤侗 悔菴

憶王孫 二調 轉應曲

歸自謠 醉公子

醉花間 春光好

浣溪沙 三調 菩薩蠻 四調

巫山一段雲

卜算子

減字木蘭花

醜奴兒令

謁金門

阮郎歸

海棠春

三調

攤破浣溪沙

西江月

望江南

二調

南鄉子

虞美人

踏莎行

臨江仙

二調

好女兒

漁家傲

蘇幕遮

二調

風中柳

江城子

金人捧露盤

最高樓

驀山溪

意難忘

滿江紅

八調

滿庭芳

玉蝴蝶

二調

念奴嬌

二調

水龍吟

拜星月慢

望海潮

望湘人

賀新郎

多麗

八

百末詞

長洲 尤 侗 悔菴

憶王孫 懷卿謀

秋風嫋嫋洞庭波。暮雨湛湛敗落荷。數遍相思今夜多。夜如何。獨倚南樓一雁過。

前調 閨情

一春心事付眉尖。小院無人風雨纖。落盡桃花倚繡奩。思淹淹。燕子歸家不捲簾。

轉應曲 春雨

春○雨○春○雨○花○上○淚○痕○幾○許○東○風○吹○到○紗○牕○日○日○愁○來○  
斷○腸○腸○斷○腸○斷○又○續○新○愁○一○半○

歸自謠 春思

春○命○短○寒○食○雨○來○芳○草○滿○梨○花○夢○去○東○風○懶○惜○春○  
人○倚○雕○闌○畔○腰○肢○剪○流○鶯○又○把○閒○愁○管○

醉公子 本意

何○處○貪○杯○酒○愁○殺○閨○中○婦○尚○喜○晚○還○家○剛○留○一○盞○茶○  
扶○得○和○衣○睡○冷○却○鴛○鴦○被○不○敢○罵○檀○郎○喃○喃○咒○杜○  
康○

醉花間 春閨

蘭○湯○沐○湘○裙○束○懶○把○鞦○韆○蹴○儂○自○理○秦○箏○郎○自○歌○吳○  
曲○花○冠○一○笑○偏○翠○袖○三○薰○足○芙○蓉○帳○底○眠○春○夢○同○  
郎○續○

春光好 春閨

繡○閣○掩○鏡○臺○封○鬢○雲○鬆○聊○聊○私○語○小○窓○中○罵○春○風○  
整○日○懨○懨○沉○睡○侍○兒○問○怎○朦○朧○却○是○背○人○偷○搵○淚○枕○  
痕○紅○

浣溪沙 馬上見

勝袴新裁。蟬翼紗。錦鞞自織。鳳頭鞞。春風不耐碧。油  
車。金步搖。飛金勒。動玉條。脫裊玉鞭斜。滿堤青草  
襯紅霞。

前調 贈王校書二首

聞道王娘舊姓西。採蓮重出若耶溪。淡妝羞學捧心  
啼。春水錦帆。嬌白苧。秋風香徑。印紅泥。昵郎子夜  
醉烏栖。

前調

家住閭門西。復西。鳳凰橋上夜烏啼。綠楊曲巷。画簾

低。宛轉腰身。飛乳燕。聰明性格。點靈犀。粉墻拂袖  
待留題。

菩薩蠻 無題二首

香蘭笑向銀屏吐。小蠻起作迴風舞。日靜綠紗空。美  
人春夢中。簫聲吹月白。柳帶籠烟碧。芳草滿江南。  
相思一夜添。

前調

畫簾捲斷珊瑚索。繡床小夢隨風落。殘月杏花堤。曉  
鶯恰恰啼。美人含笑立。露葉牽衣濕。待得侍兒來。

粧奩一半開。

前調

烏衣雙燕穿簾舞。脚泥故墜金釵股。陌上柳絲飛。錦屏人未歸。小窓沉晝閉。山枕留香睡。春夢杳如烟。知他向那邊。

前調 月夜

遠山新吐蛾眉月。半鈎飛入梧桐葉。剛得照妝臺。呢人脫燕釵。風吹裙帶急。花下凭肩立。細數舊時歡。低頭屈指尖。

巫山一段雲

賀侯大年新婚

鳳○婿○名○蕭○史○珠○娘○號○麗○華○春○風○初○長○合○婚○花○門○駐○碧  
鈿○車○佳○話○玉○如○意○新○粧○香○辟○邪○紅○牕○蠟○燭○小○侯○家  
臂○繫○漢○宮○紗○

卜算子

夜憶

秋○雨○急○如○箏○彈○破○江○南○夢○野○外○西○風○葉○葉○吹○撼○起○棲  
鴉○動○夜○永○惜○燈○殘○衾○薄○知○寒○重○飛○盡○征○鴻○莫○寄○書

曲冷文君弄

文君弄 琴曲

減字木蘭花

送春

重門深掩不道背人歸去遠。倦燕嬌鶯啼出陽關第四聲。含愁相問。飄泊天涯何處定。夢斷羅帷。今夜明朝睡起遲。

醜奴兒令

偶感

春來秋去何時了。昨日陰山。今日陽關。白髮黃鷄真可憐。只求夢裏流年好。今夜邯鄲。明夜巫山。睡過三生亦喜歡。

謁金門

愁

奈何許。欲說近來愁緒。愁到依然無一語。羅衫幾點

雨。舊事子規催去。新恨鷓鴣留住。夢逐東風無歇處。飄零隨柳絮。

阮郎歸

旅思

他鄉無處不凄其。晚春人易悲。楊花飄泊鷓鴣啼。高樓憶別離。宿雨醒。篆烟微。愁來眉漸低。滿簾風雨斷腸時。一聲玉笛吹。

海棠春

午睡和韻

氤氳繡幙香生足。欹山枕弓腰低曲。一搦藕肢柔。剛貼芙蓉褥。夢中輔體靡紅肉。驀驚起。墜釵寒玉笑。

看抱誰眠。却是夫人竹。

前調 晚浴和韻

畫簾雙燕爭花影。睡未足。海棠驚醒。玉骨六銖輕。心怯溫泉冷。起來弄色芙蓉鏡。分外好髻鬆。鈿整無力倚薰籠。呼點龍團餅。

前調 夜坐和韻

井梧葉落聲如雨。又風送小樓砧杵。淡月隱屏山。花底聞私語。空牀好夢拋人去。厮守盡更更更鼓。不見謝郎歸。燭影搖松塵。

攤破浣溪沙 卽事

燕子樓中燕子飛。鷓鴣屏外鷓鴣啼。笑看蕭郎盤細馬。畫橋西。鵝管笙囊調艷曲。鳳花簫局試香衣。怪底游人爭指道。使君妻。

西江月 春恨

燕子不歸繡戶。畫簾空鎖斜陽。春風吹夢到池塘。芳草對人惆悵。楊柳掛愁百尺。杜鵑啼淚千行。晚來特地倚紗窗。為問落花無恙。

雙調望江南 西山燒香曲

清早起。天色趁新晴。飛鬢斜拖雙燕翠。畫衣薄襯小。  
鴉青素裹玉丁丁。迴鏡照時樣。稱人情。多分拚教。  
游子看私先。央及侍兒評。公論是輕盈。

前調

呼女伴。好稱一春閒。紅板浪船行。緩緩白藤山。轎坐。  
端端低扇避人看。拜佛罷。本意不相關。戲買粉孩。  
敲木棒。強分葉子賭金環。圖得大家頑。

南鄉子

春愁

紅雨曉闌珊。寂寞梨花淚未乾。飛絮滿庭人倦起。偷。

憐。盡日鸚哥話夜寒。巫峽夢雲單。懊惱春光一半。  
殘。索性閉門推却去。孤眠獨讓東風自倚欄。

虞美人

憐病

病魔纔別書帷去。又借香奩住。懨懨瘦骨怯春紗。猶。  
向藥烟影裏問殘花。曉來強起粧臺立。攬鏡愁眉。  
窄。侍兒且罷掠雲鬟。恐怕春風多厲。不勝寒。

踏莎行

閨怨

獨上粧樓。青山如昨。畫眉彩筆春來閣。休彈紅雨濕。  
花梢淚珠。自向心頭落。可恨東風年年輕薄。天涯。

不管人飄泊漫將薄倖比楊花楊花猶解穿羅幕。

臨江仙 擬辛稼軒

搔首問天天不語光陰無計消磨挑燈看劍自摩挲。  
澆胸冷熱酒拍手短長歌。 遮莫英雄老去也山林  
經濟如何平章重事到烟波鏡吹傳玉鴨水戰教金

鵝 玉鴨 蛙名

前調

少日驅車兼躍馬錦裘風雪行邊十年回首鬢蕭然。  
蹇驢花下路短笠渡頭船。 憑寄壯心歌舞地綠樽

翠袖紅絃不然散髮事金仙蒲團香影裏橫槊自參  
禪。

好女兒 佳人

一捻脂紅百和香濃半醉嬌聲半醒態在坐禪鬢雲  
步搖佩玉臥曲鞦韆弓 斜睇檀郎不語誰慣汝漫留  
儂。此處不留何處去道朝上秦樓晚游洛浦夜宿巫  
峰。

漁家傲 漁父

天下滔滔皆是也風波滿地江河假鼓柁行歌君莫

訝誰知者。離騷莊子吾其亞。一尺蓬舟雙槳打綠。篔簹青笠人如畫。潑刺黃魚穿柳掛。收綸罷提壺閒共。樵夫話。

蘇幕遮 塞上二首

朔雲寒。邊月苦。感粟西風吹亂。黃沙舞。夜半雪深三尺許。瓊帳駝峰倒載琵琶女。打圍來。圍地去。銀管炊烟茶煮烏羊乳。蠻府參軍窮塞主。疋馬隨他看射南山虎。

前調

寒垣長寒信早。畫角嗚嗚吹破霜天曉。一陣哀鴻殘月小。夢繞南雲淚濕征衫老。拄青山。吟白草。燕雀排衙公事彈琴了。又報黃旗前隊到手。扳匆匆走馬遼西道。

風中柳 和孫夫人韻

郎上長安怎好說些煩惱。但叮嚀馬蹄芳草自來月下。把淚痕偷告夢兒中教郎知道。一紙家書不覺低鬟微笑報平安。歸期尚杳金釵翠鳳送香車須早怕春去燕殘鶯老。

江城子

清明旅思

江城佳節也。清明喜新晴。午風輕。寡柳孤桃。粧點可憐生。羅襪繡鞋人。不見空辜負。滿堤青。客遊隨分踏沙行。冷旗亭。隔花屏。無限家山。綠水畫船。橫寶馬。雲車香過處。看玉手。撥銀箏。

金人捧露盤

盧龍懷古

出長安。臨絕塞。是盧龍。想榆關。血戰英雄。南山射虎。將軍霹靂吼。雕弓大旗。落日鳴笳。起萬馬。秋風問當年。人安在。流水咽。古城空。看雨拋金鎖。苔紅健兒。

白髮閒驅黃雀野。田中叅軍岸幘。戍樓上。獨數飛鴻。最高樓。漫興

拋官去。乞得小山居。偃仰此生餘。何用食爲十斛麥。未之學也。五車書時還讀。亦已種。則何如。待討个漁童名便了。再配个樵青名大好。賽赤脚。勝長鬚。奴更養奴千樹橘。婢還釣婢百頭魚。挈山妻。同稚子。且相於。

驀山溪

夏興

登樓極目。又見斜陽下。遠近兩三峯。一點點。翠眉如

畫。鶯。簧。蟬。鼓。楊。柳。舞。輕。風。人。閒。暇。天。瀟。灑。惆。悵。如。何。  
夜。白。衣。蒼。狗。閱。盡。雲。真。假。今。古。總。悠。悠。嘆。舉。世。塵。  
埃。野。馬。青。天。難。問。搔。首。且。歸。來。沉。醉。也。高。眠。罷。月。上。  
葡。萄。架。

意難忘 元宵

春。色。佳。哉。報。吳。宮。花。柳。羯。鼓。方。催。羽。林。千。騎。去。華。屋。  
萬。家。回。羅。帳。地。錦。衣。街。燈。火。上。樓。臺。看。滿。城。星。橋。高。  
揭。火。樹。叢。開。月。明。車。馬。如。雷。有。舞。旋。鮑。老。歌。打。洪。  
崖。香。塵。移。畫。鳥。玉。燭。裊。金。釵。簾。幌。下。影。徘徊。聽。笑。語。

詼諧百忙裏闖成燈謎擲與郎猜

蘇城初徹防兵張燈甚盛

滿江紅 感遇

我。醉。欲。眠。且。收。了。眼。光。青。白。分。付。與。死。便。埋。我。陶。家。  
之。側。天。下。山。川。吞。八。九。腹。中。人。物。容。千。百。任。諸。君。拍。  
手。笑。狂。生。乾。坤。窄。破。面。鬼。焦。頭。客。福。建。子。山。東。賊。  
問。何。人。請。劍。何。人。投。筆。我。夢。化。爲。蝴。蝶。舞。醉。來。敲。碎。  
珊。瑚。缺。嘆。一。腔。熱。血。灑。何。時。青。衫。濕。

前調 生日自題小影

鑄。錯。難。成。空。羸。得。頭。顱。如。許。君。不。見。此。中。有。鬼。英。雄。

無主○世事○夢迴○關塞○月○文章○淚盡○瀟湘○雨○歎○茫茫○宇  
宙○此○身○多○無○歸○處○山○岳○裏○聊○容○與○竹○林○下○方○延○佇○  
但○看○他○白○眼○科○頭○箕○踞○背○後○好○遮○王○導○扇○手○中○只○少  
漁○陽○鼓○攜○一○杯○自○祝○畫○圖○前○魂○相○語○

前調

甚○矣○吾○衰○誰○畫○出○秋○風○蒲○柳○須○信○道○相○君○之○面○不○過  
村○叟○車○蓋○鼓○吹○今○夢○覺○空○山○晏○坐○搔○童○首○問○何○人○不  
著○鷄○鷄○寇○惟○君○否○且○避○暑○頻○揮○手○謹○謝○客○休○開○口○  
祇○先○生○生○日○歸○而○謀○婦○半○臂○纔○更○一○斗○麵○百○錢○恰○買

三○升○酒○對○此○君○爛○醉○仰○天○眠○看○蒼○狗○  
令○何○忠○脫○半○臂○更○得○一○斗○麵○耶

何○后○謂○明○皇○曰  
不○記○三○郎○生○日

前調 思隱二首

寄○語○青○山○為○我○築○數○椽○茅○舍○更○計○較○鑿○斯○池○也○衙○門  
之○下○屋○後○十○弓○放○筍○竹○墻○邊○五○畝○栽○桑○柘○還○留○些○隙  
地○種○梅○花○依○臺○榭○北○海○釣○南○山○射○東○墅○奕○西○園○畫  
有○鄰○翁○來○往○鷄○豚○春○社○笑○問○老○妻○能○去○否○蒿○簪○藜○杖  
歸○休○罷○但○囊○中○尚○乏○買○山○錢○從○天○借○

前調

衮衮諸公看朱紫白頭隨駕儘讓與蠅頭蝸角冷杯  
殘炙夫子漫勞冉有僕小人請學樊遲稼向深山好  
作古田家義皇話春松菊徑瓜藤架麋鹿柴魚蝦汙  
且醉吟高臥及時閒暇稚子浪尋青草鬪老夫合受  
黃鸝罵倘城中有客訪吾來關門謝

前調

倦遊初歸喜顧菴釋堂處實旣庭御之  
枉集草堂和韻

梅雨廉纖問昨夜小池微漲漫一笑征衫乍脫故園  
無恙翠籜移來石徑側黃鸝啼到桐陰上更村村烟  
火起農歌田家餉報有客扁舟漾看滿座蘭亭唱

喜酒徒相對欲傾家釀却暑但揮蟬雀扇登高請進  
蒲桃杖向西山指點夏雲生多奇狀

前調

飛濤祠部辭疾不至東以訊之

太息丁生出塞去雪堆沙漲謝弋者遼東歸鶴令威  
無恙浪跡偶來臯廡下端憂却據胡床上正提壺盧  
橘滿林黃堪分餉端午後蒲葵漾麥秋至螻蛄唱  
君奚爲高臥欲逃村釀游子渡江不用檝健兒躍馬  
寧須杖劇何堪新婦閉帷中婆婆狀

前調

苦雨書悶

積雨東籬。雷隱隱。水雲時漲。休夏好。繩床藥臼。消磨  
微恙。讀史喜觀秦楚際。詠懷高話羲皇上。笑饑來。驅  
我走天涯。無人餉。愁何許。懸旌漾。悲未已。吹篴唱。  
怪衆人皆醉。覆杯沉釀。勘破黃梁道士枕。打開白業  
瞿曇杖。咄何來。修竹彈甘蕉。紛投狀。

滿庭芳 風雨夜懷卿謀

折絮天風。凍花側雨。薄寒新上羅衣。可憐人意。恰對  
可憐時。幾度思量。往事回首處。風景淒其。難生受。黃  
昏院落。獨自怎支持。想伊人此際。籠香弄筆。剪燭

吟詩。待扁舟相訪。夢到還迷。只聽數聲歸雁。斷雲裏。  
叫過樓西。呼來問。又推深夜。不肯寄書飛。

玉蝴蝶 雪牕憶卿謀

浙浙蕭蕭。瑟瑟疎疎。密密整整。斜斜算有三分。墻角  
數點。牕紗響。茅檐風敲。斷竹迷野渡。月上平沙。浪相  
誇。瑤林瓊樹。種玉人家。嗟嗟閉門高臥。羔兒無分。  
且喫團茶。翹首天涯。空吟冰柱。憶劉叉。盼書郵。浮沉  
征雁。尋驛使。冷落梅花。問君家。剡溪不遠。可泛星槎。

前調 賀高二亮納姬湖州

應是三生杜牧深紅淺綠。再接花枝正好珠璫佩解。  
金雀鬟垂定情詩早憐碧玉小名錄恰比紅兒儘綢  
繆描殘翠管寫盡烏絲。相宜綠衣方小青衫未老。  
絳縷初飛顧曲郎君記歌娘子按新詞學秦箏爭傳  
妾解偷吳語未許歡知畫中人五湖一葉載到西施。  
章九命此生萬事難遂。眼看世態悠悠西江有水。

念奴嬌

和彭美門韻

虛生浪歎奈頭顱漸禿肝腸如碎。飛將高皇時不遇。  
却遇灞陵亭尉感慨何爲不如歸去也學糊塗醉文  
不到枯魚肆脫了青衫披綠箬且飽銀絲鮮鱸弃蟻  
亾羊於魚得計吾讀徐無鬼人間不樂相忘惟一回  
睡。

前調

贈吳梅村先輩用東坡韻

江山如夢歎眼前誰是舊京人物走馬蘭臺行樂處。  
尚記紗籠題壁椽燭衣香少年情事頭白今成雪杜  
陵野老風流獨數詩傑更聽法曲淒涼四絃撥斷  
清淚如鉛發莫問開元天寶事一半曉星明滅我亦  
飄零十年湖海看雨絲風髮何時把酒浩歌同送明

月

水龍吟

楊花和東坡韻

捲簾但見飛花何時開起何時墜玉人如夢隨風游  
戲幾多愁思為問章臺青青在否官眉應閉剩蠻腰  
解舞飄飄上下還學三眠三起分付雕梁燕子好  
啣將小巢縈綴謝娘纖手搓來捏去團成復碎忽地  
傷心人間天上落花流水倩軟綿堪拭此中洗面只  
餘清淚

拜星月慢

惜別

香霧雲鬟清輝玉臂雙照淚痕猶在忍令分攜怯空  
房難耐無人處生怕落花風起輕把檀痕吹壞惜惜  
情懷料身中不快問何曾走馬蘭臺內又非因帶  
甲榆關外何苦東去西飛判相思分界看彈琴誰寫  
芙蓉黛伴薰香莫縮鴛鴦帶只好教籠裏鸚哥咒那  
人無賴

望海潮

觀獵

遼西重地東臨碣石朔風塞馬蕭蕭臺上呼鷹磧中  
走狗千人弓箭橫腰牙纛抗招搖看雕翎落處雨血

風毛日暮山空寒身饑兔正悲號將軍坐地分曹  
有健兒行炙美女彈槽再打一圍揚鞭歸去戍樓  
角聲高何似霍嫖姚笑當年猿臂射石空勞顧語  
參軍醉中磨盾好揮毫

望湘人

閨信

自君之出矣獨宿空房繡衾慵熬龍腦背著燈兒側  
身帳底多半和衣睡倒簾幙花香欄杆燕語月明如  
曉好良宵滿院春風不見斷腸人到乍夢被郎呼  
去向畫屏深處輕憐低笑正勾當相思一晌銷魂未

了無端撼起流蘇微動驀地把人驚覺閒滋味費盡  
思量私下報郎知道

賀新郎

塞上

天末盧龍道看數分山崖聳峙河流低遶極望長城  
烟一抹但見黃榆白草又添得孤鴻縹緲寒月如霜  
沙似雪想當年有客傷心早重畫出邊愁稿短衣  
自倚高樓嘯弔西風一杯殘酒淚痕多少漫說明妃  
出塞苦不見玉關人老更減盡英雄懷抱剩有琵琶  
渾不似倩盧兒彈出涼州調公莫舞烏啼了

多麗 夏景

畫梁間。日長午夢初殘。倚薰風。暈紅如醉。無言情思  
闌珊。捲桃笙自尋墜珥。掩金詞。斜撲輕紈。茉莉茶甘  
鷓鴣香細。儘堪消暑。小屏山。無心理。鈿箏瑤管。棋局  
也慵彈。閒排遣。白敲冰脆。紅點梅酸。侍兒報花梢  
月上。清光怯射。越羅單。浴蘭湯。微揩粉汗。插犀梳亂  
挽雲鬟。院落沉沉。夜涼如水。蕭郎頻喚。展琅玕。還一  
笑。背人行去。等待向。更闌却尋到。薔薇架下。獨凭欄  
杆。

曹顧菴

爾堪

曰：悔菴詩古文下筆妙天下。西堂一

編已登虎觀。走雞林。其所為詞。供奉於內庭。  
流傳於酒樓郵壁。天然綺艷。粉黛生研。未許元  
稹杜牧。獨擅風流也。

沈繹堂

荃

曰：悔菴詞妙在流麗圓轉。無一滯筆。如

新鶯啼對。細管臨風。不須調笙鼓瑟。而已清沁  
心腑矣。至於感慨詼諧之作。直奪化工設色之  
奇。較昔周秦辛陸。人各擅長。惟吾悔菴。其兼有

之耶。

王阮亭上禛曰百末諸調不蹈花間草堂一字而

有追魂瀝魄之妙。



天可西堂一

